



Kamis, 18 Juli 2024
Ogen : Johanes 11:1-2



TURANG LAZARUS



Tuhan mereken erbage-bage talenta man banta. Labo seri sada ras si debanna. Bagi Maria ras Marta turang Lazarus, dua ia la seri carana mperembakken diri man Tuhan Jesus. Kai nge si banci sipelajari arah dua tokoh diberu ibas Pustaka si Badia si ersenina enda.

1. Biak ras peran si pelain-lain. Marta sekalak si mejingkat, ia kuskas ngelai sedang Maria kalak si seleh megiken pengajaren Tuhan.
2. Kesetian ras kerembaken ras Jesus. Duana ia setia kal man Tuhan, subuk bas paksa meriah reh Tuhan Jesus ku rumahna kesilang, Maria ngusapken minak si meherga ku nahe Jesus, Marta erdakan ngalo-ngalo Jesus ras ajar-ajarNa. Bagepe bas paksa susah, asum turangna Lazarus mate duana ia ngarapken kerehen Jesus.
3. Kiniteken si Mbages

Asum Lazarus mate, melawen Jesus maka mulih. Amin bage gia tetap Maria ras Marta ertima, janah kenca seh Jesus, ngatakan maka turangna e tunduh ngenca, duana kai ia tetap ukurna. Jenari ipekeke Tuhan turangna si Lazarus ndai. Kinitekenna erbahanca ialokenna mujisat.

4. Kai si utama ibas pelayanen.

Kai siibahan Maria ras Marta asum reh Tuhan ku rumahna, ngajari kita mengutamakan perjumpaan rohani ras ndengkehken ajar Jesus ibabo pelayanen fisik. Penting nge ngelai, mpesikap pangan, tapi penting ka guna mereken waktu guna ndengkehken ras nggeluh ibas kata Dibata. Maria nggo pilihna si utamana, Marta erlajar ndahiken dahin alu keleng ate.